

ՄԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒ Ս. ԷԶՄԻԱԾՆՈՒՄ

«Ուրախ լեր, Սուրբ Եկեղեցի. քանզի Քրիստոս արքայն երկնից այսօր պատկեաց գրեզ խաչին իրով...»:

(ՇԱՐԱԿԱՆ)

Ամենայն Հայոց Կաթողիկոս, Ն.Ս.Օ.Տ.Տ. Գարեգին Բ-ի բարձր կարգադրությամբ և փնօրինությամբ 2000 թվականի հուլիսի 16-ին Մայր Աթոռ Սուրբ Էջմիածնի սրբազան պատրության մեջ գրվեց մի նոր էջ. Գևորգյան Հոգևոր Ճեմարանի հինգ շրջանավարտների սարկավագության աստիճան էր շնորհվելու: Այդ օրը Մայր Աթոռի միաբանության շարքերը գալիս էին համալրելու նորերը:

Կիրակի առավոտյան, Աստվածածնին նվիրված «Գիւր փփոյ Ս. Աստուածածնի» փոռին, Սուրբ և անմահ Պապարագի սկզբում, հինգ ընծայացուները խոստովանությամբ կանգնել էին Սուրբ Սեղանի առջև՝ Սուրբ Հոգու շնորհներն ստանալու ակնկալությամբ:

Մայրավանքի զանգերը դողանջեցին՝ ազդարարելով Պապարագի սկիզբը:

Օրվա պապարագիչ և քարոզիչն էր Կենտրոնական Եվրոպայի Հայրապետական պատվիրակ Ս. Մեսրոպ արքեպիսկոպոս Գրիգորյանը, որը Վեհափառ Հայրապետի արքունությամբ, Հուսիկ Սրբազանի փոխարեն, ուրախությամբ հանձն էր առել հինգ շրջանավարտներին սարկավագության աստիճան շնորհելու:

Սրբազան Պապարագի երաժշտությամբ զմայլված ունկնդիր հավաքացյալ բազմությունն ականջալուր եղավ խարտավիլակներ Միքայել և Հայկ ավագ սարկավագների կողմից ընթերցված սաղմոսներին: Բարեշնորհ սարկավագները, ժողովրդի հետ աղոթելով, փոխյուսարարապետ Ս. Արքայի վարդապետ Տիգրանյանի ուղեկցությամբ ընծայացուներին ծնկաչոք առաջնորդեցին դեպի Ս. Սեղան: «Ի՛նչ օրն է ժողովրդեանն եւ ի վկայութիւն անձանց իւրեանց» ընծայացուներն ուխտեցին խոնարհությամբ իրենց ամբողջանկեր ծառայությունը բերելու մեր Մայր Եկեղեցուն:

Գերշ. Ս. Մեսրոպ Սրբազանը, կարդալով աղոթքները՝ ուղղված Սուրբ Հոգուն, հինգ շրջանավարտներին շնորհեց սարկավագության աստիճան՝ փալով իշխանություն Ավետարան ընթերցելու, Քրիստոսի կենաց մարմնի ու արյան սկիհի վերաբերումը կատարելու և անուշահոտ բուրմամբ խնկարկելու եկեղեցուն:

Ձեռնադրությունից հետո պապարագիչ Սրբազանն Ավագ խորանից հավուր պարշաճի քարոզ խոսեց, ապա, անդրադառնալով նորընծաներին, մասնավորապես ասաց.

«Միրելի՛ սարկավազներ, ձեզ մաղթում եմ աննկուն կամք և անխախտ վստահություն մեր Տիրոջ հանդեպ, որպեսզի կարողանաք փառքով կապարել ձեր վրա դրված պարտականությունները: Անձնական օրինակով հեղինակեք Տիրոջ պարավիրաններին, որպեսզի Տերը առաքտորեն բաշխի ձեզ Սուրբ Հոգու շնորհները մեր Եկեղեցու պայծառության համար»:

Սուրբ Պապարագի ավարտից հետո, ի պատիվ նորընծաների, Մայրավանքի սեղանապանը, Վեհափառ Հայրապետի նախագահությամբ, քրվեց սիրո ճաշկերույթ: Գոհության աղոթքից հետո նորընծաներին իր խոսքն ուղղեց Մայր Աթոռի ավագագույն հոգևորականներից Տ. Շահեն արքեպիսկոպոս Աճեմյանը, որն ասաց.

«Հարգելի սարկավազներ, շնորհավորում եմ ձեզ հոգևոր սպասավորության առաջին աստիճանին արժանանալու առթիվ: Եկեղեցին գրկաբաց ընդունելով ձեզ՝ առաջընթացի իր լուսավոր ճանապարհին մեծ հույսեր է կապում ձեզ հետ: Թող Քրիստոս ուժ և կարողություն պարգևի ձեզ: Հաստատվեք եղբւր ընտրած ճանապարհի մեջ»:

Նորընծաների անունից շնորհակալության և երախտագիտության խոսք ասաց Վարդգես սարկավազ Մանուկյանը՝ մասնավորելով սարկավագության կոչման լրջությունն ու կարևորությունը, ծառայասիրության գիտակցությունը, որոնք իրենց սրտից բխելով՝ դարձել էին համոզմունք ու հրամայական՝ «Լինել մշակք առանց ամօթյ» և բոլորանվեր ծառայելու մեր Եկեղեցուն:

Երեկոն ավարտվեց Վեհափառ Հայրապետի օրհնությամբ և պատգամով.

«Միրելի՛ միաբաններ, անչափ ուրախ եմ, որ այս պահին համախմբվել ենք Մայրավանքի սեղանապանը՝ սարկավագական ձեռնադրության ուրախությունը կիսելու մեկս մյուսի հետ: Այս հինգ սարկավազներն ընդամենը մեկ ամիս առաջ դարձան Գևորգյան Հոգևոր Ճեմարանի շրջանավարտ, երբ երանք հաջող հանձնեցին սարկավագական քննությունները: Մենք մեծ ուրախությամբ ենք դիպրում ձեռնադրված սարկավազներին, և մեր հոգին խանդավառ է, քանզի մեր Եկեղեցին կարիք ունի սպասավորների: Յուրաքանչյուր հայրորդի զգում, քեցնում է հոգևորականների պակասը, երբ շրջում է մեր հայրենի քաղաքներում: Ամեն մի քայլափոխի քեցնում ենք Ավետարանի խոսքի ծարավն զգացող մեր զավակներին, քեցնում ենք նաև այլազան քարոզիչներ, որոնք մղում են հայ ընտանիքներից ներս և փորձում մեր զավակների սրտի պապակը ինչ-որ ձևով հագեցնել:

Ես ցանկանում եմ առանձնակի անդրադառնալ հոգևորականի բարոյական նկարագրին. ճիշտ է, այսօր մեզ պետք է ուսյալ, մտավորական եկեղեցական, բայց արժեք չունի այդ գիտելիքը, եթե եկեղեցականը հոգու կրթություն և բարոյական նկարագրի չունի, եթե հավաքքի ու ծառայասիրության ոգի չունի: Գիտելիքն արժեք ունի, երբ այն հավաքքով է շաղախված, գիտելիքն արժեք ունի, երբ դառնում է ծառայություն, ու երբ եկեղեցականի մոտ կա օրինապահության զգացում, երբ դա դառնում է առաջնորդող ուժ իր կյանքի և ծառայության համար:

Իմ մաղթանքն է, որ դուք կարողանաք վանքի մթնոլորտից, Մայր Տաճարի սրբազան կամարների ներքո հնչող շարականից կերպել էության մեջ հավատքի այդ ոգին, ծառայասիրության նկարագիրը, օրինապահության կամքը: Գիտելիք կարող են փոխանցել ձեզ, բայց հավատի զգացումը հաղորդությամբ, ապրումով է փոխվում: Գիտակցելով ձեր կոչումը և հաղորդ դառնալով մեր հայրերի կյանքին, որոնք կերպել են մեր պատմությունը, այդ զգացումը ձեր մեջ կերպեր՝ դարձնելով կամք, ոգի:

Ես ուզում եմ շնորհավորել Մեսրոպ Սրբազանին, որ սիրով հանձն առավ սարկավազության աստիճան շնորհել այս հինգ շրջանավարտներին և աղոթքով խնդրեց Սուրբ Հոգու շնորհները ձեզ: Ես վստահ եմ, որ ժամանակի պահանջները, Եկեղեցու առջև ծառացած բազում խնդիրները, որոնք այսօր սպասում են իրենց լուծումներին՝ մեր եկեղեցականների աշխատանքով պիտի կարողանաք նմանվել մեր շարքերի հոգևորականներին և ձեր կարելիություն չափով փորձել ձեր ներդրումն ունենալ ու գործադնել մեր Եկեղեցին»:

Վաչագան սարկավազ Ղազարյան

Ծնվել է 1977 թ. Առաքաշեն գյուղում:

1983-1994 թթ. սովորել է Կենդի միջնակարգ դպրոցում:

1994-2000 թթ. սովորել է Գևորգյան Հոգևոր Ճեմարանում:

Վարդգես սարկավազ Մանուկյան

Ծնվել է 1976 թ. Ոսկեհատ գյուղում:

1983-1993 թթ. սովորել է Կենդի միջնակարգ դպրոցում:

1994-1999 թթ. սովորել է Սևանի Վազգենյան Հոգևոր Դպրանոցում:

1999-2000 թթ. սովորել է Գևորգյան Հոգևոր Ճեմարանում:

Արսեն սարկավազ Շաղոյան

Ծնվել է 1977 թ. Էջմիածին քաղաքում:

1983-1994 թթ. սովորել է Էջմիածին քաղաքի Մաքսիմ Գորկու անվան թիվ 5 միջնակարգ դպրոցում:

1994-2000 թթ. սովորել է Գևորգյան Հոգևոր Ճեմարանում:

Գևորգ սարկավազ Մարգարյան

Ծնվել է 1976 թ. Ոսկեհատ գյուղում:

1983-1993 թթ. սովորել է Կենդի միջնակարգ դպրոցում:

1994-1999 թթ. սովորել է Սևանի Վազգենյան Հոգևոր Դպրանոցում:

1999-2000 թթ. սովորել է Գևորգյան Հոգևոր Ճեմարանում:

Էդգար սարկավազ Սողոմոնյան

Ծնվել է 1975 թ. Երևան քաղաքում:

1981-1990 թթ. սովորել է Երևանի Մայակովսկու անվան թիվ 7 միջնակարգ դպրոցում:

1990-1994 թթ. սովորել է Երևանի էլեկտրոմեխանիկական տեխնիկումում:

1994-1999 թթ. սովորել է Սևանի Վազգենյան Հոգևոր Դպրանոցում:

1999-2000 թթ. սովորել է Գևորգյան Հոգևոր Ճեմարանում:

ԳԵՎՈՐԳ ՍՐԿ. ՍԱՐԳՍՅԱՆ